

Zeitschrift: Die Berner Woche
Band: 33 (1943)
Heft: 46

Artikel: Vo der Löffuschlyffi
Autor: Baer, Hansueli
DOI: <https://doi.org/10.5169/seals-649437>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 15.07.2025

ETH-Bibliothek Zürich, E-Periodica, <https://www.e-periodica.ch>

Chum cho ässe

Freundlich tönt diese Aufforderung, und freundlich soll sie diesen Winter auch in unserer Stadt ertönen. Wer einmal oder mehrere Male pro Woche ein Kind oder einen Lehrling, eine Lehrtochter oder sogar einen älteren Erwachsenen zum Mittag- oder Abendessen einladen kann, möge dies unverzüglich tun und auf dem Bernischen Frauenbund einen Anmeldebogen verlangen. Wir helfen hier einer Familie, dort einem alleinstehenden Menschen, die schwere Zeit leichter zu tragen, denn die Zahl derer, die mit sehr knappen Mitteln durchkommen müssen, mehrt sich auch bei uns zusehends. Neben den sehr gut organisierten Schülerspeisungen ist «Chum cho ässe» eine Aktion, die darüber hinausgeht und die auch, was bis jetzt in andern Städten nicht geschah, Erwachsene mit einbezieht. Nicht Wohltätigkeit von oben herab ist damit gemeint, sondern ganz einfach Solidarität soll damit zum Ausdruck gebracht werden. Wir wollen einander aushelfen, wir wollen einander besser kennen lernen.

Anmeldungen von Gastgebern werden gerne entgegengenommen auf dem Bernischen Frauenbund, Sekretariat, Bahnhofplatz 7, Telefon 2 73 93.



Die Geschwister Schmid im Kursaal Bern

Der Kursaal-Direktion ist es gelungen, für die Zeit vom 15. bis 30. November die bekannten schweizerischen Volksliedersänger Geschwister Schmid zu engagieren, um dem Berner Publikum eine spezielle Attraktion zu bieten. Das Trio stammt aus dem Aargau, sein Name ist aber schon weit über die Schweizer Grenze hinaus bekannt. Im Jahre 1936 feierten sie an der Weltausstellung in Paris grosse Erfolge. In der Schweiz gastierten sie auf den grössten Bühnen unseres Landes und wirkten auch im «Margritli»-Film mit. Die Berner werden sicher nicht zögern, am Nachmittag oder Abend die drei fröhlichen Sänger in unserm Kursaal kennen zu lernen.

Vo der Löffuschlyffi

Es isch ging e gfreuti Sach, Summer Hans über Sprachligs g'hore z'referiere, grad wi me synerzyt ging gspannet isch gsi uf Otto vo Greyerz syni Sprachpille. Oemu mier geit's e so. Es blybt aber nit nume bi der Freud; es regt eim a zum eigete Nachedänke u Nachesinne, bsunders, wenn öppis vüregriffe wird us der eigete Gäget, wo me einisch sifüber agfange het, sys Muul bruuche u sy Zunge wetze.

So isch's mer chürzlige wieder ergange, wo under de fründ eidgenössische Spitznäme, i der «N. Z. Z.» ha-n-igs gläse, ömu o vo der Löffuschlyffi vo Bümpliz d'Red isch gsi.

Nit dass ig wett hälfe, so weeni wi Hans Summer, deerigi verjähreti und abtaanigi Waar, wo's weder sunn no schaad isch, dass si vergrave u vergässe blybt, wieder i Schwung und i d'Mode z'bringe. Als Stärnebärg — u Bümpliz lyt ja o im alte Gricht Stärnebärg — isch's mer meh drum, druuf hi zwysse, wi mier üüs di Sach vorgstellt hei, wi Bümpliz zu syr Löffuschlyffi soll cho sy. Dernäbe darf mer's niemer für übu näh, wenn ig im gheime drüber lächle, wie liecht dass me sich's i der Regu macht, syni liebe Miteidgenosse z'helke u z'hänsle, u wi liecht die's lói gscheh, g'helkt u g'hänslet z'wärde. Aber, wi gseit, i lache nid luut, i tue's nume im g'heime, zieh nume d'Muuläschbe chlei i d'Breiti. —

Das isch sozäges jedem Stärnebärg passiert, wo us sym Sprachkreis under Lüt isch cho, zämegwirblet us andere Sprachpiet, wie's öppé inere Seminarklass isch gsi: Da hei sich di Stärnebärg mit ihrer gsatzlige, bedachtsame Red näbe de läbige Seeländer, de gschmeidige u glimpfige Oberländer, de gwaglete Oberaargouer, vo de «gweeste» Stadtbärner gar nid z'rede, usgno wi die reinschte Bäremanine, wie nes alts Schlegusaagli amene halb uustrochnete Bechli näbeme Vollgatter mit neumodischem Turbinebetrieb, es Saagli, wo no im Tämpo gloffeo-n-isch: Chume-n-i nid hüt, su chume-n-i de morn.

Das het ging öppis g'gulte, bis so ne richtige Stärnebärg sys Gsatzli zwäggmodlet u dusse het g'ha, u mänge liebe Lehrer isch derby schier vergiblet, het mit de Finger⁴ uf em Pültli klayeret, wi wenn er der Hebamme wett rüefe, für cho z'hälfe.

Es het eine scho useme ganz verlorne Aemmitalerchrache oder wyt vom Längebärg obenahe müesse cho, für di rächte Stärnebärg i-n-irher bärelochtige Langsami im Rede z'über-trumpfe.

Mi het disi Tuget deheime wohl gchennt u het se i der Schuel gluegt abzschlyffe. Mi het eim Sprüchli uffgä zum gleitig nachesäge, so:

Der Metzger wetzt sys Metzgermässer — und anderi; aber es het neume nid viel gnützt. Werum? Mi het deheime nie viel uf settnige g'ha mit gschliffnige Zunge. Gradeinisch isch so eine ne Waschlämu oder Schnurewagner touft worde, oder, het es sich um eini ghandlet, su isch's halt e Tschädere oder e Röndligybe gsi. U derzue, mi lugt doch einisch di wahri u reini Stärnebärgersprach ghörig a, wie se öppé C. A. Loosli schrybt. Es soll eine probiere, die nume so häre z'schnädere! Das wird jede underwäge la, wo nid e dopple Zungebeibruch wott risgiere.

Dass üuses Stärnebärgpiet e Löffu- oder Zungeschlyffi wohl hätt möge vertrage, het me-n-im ganze Loupe-n-amt nie bestritte, u dass grad das guete Bümpliz für Sitz vo där Schlyffi isch vorgsch worden, ghört o nit zu de unlösbare Wälträtsel.

Nit, dass d'Bümplizer öppé di Löffuschlyffi nötiger hätt g'ha weder die ume Ledi-, Stüri- oder Bramberghubu ume oder die, wo am Saanescheid albets uff d'Naase g'glusset hei. Bi-wahri! Aber si sy der vorgschobniq cht Vorposchte gäge Bärn gsi, wo me gmeint het — vo jehär isch das so gsi — nume dert i de Loube und um d'Patrizierviertu ume redt me ds einzig richtige Bärndütsch mit salongfähigem Schliff. U wär dä Schliff nid uufbracht het, äbe wi mier Stärnebärg, het halt nume d'Löffuschlyffi vo Bümpliz passiert u nit di fyneri vo der Junkere- u Heregass.

Hüt wird das z'Bümpliz o gänderet ha, syl das's ging meh Vorstadt vo Bärn worde-n-isch, u die Bümplizer würde hüttigstags nume no dünn gsäit sy, wo no alt stärnebärgisch redtnere; grad so dünn wi die, wo no wüsst, was das z'bedüüte hätt, wenn einisch amene Samschtigz'nacht der alt Kampfruef ertönti, wie's fruecher öppé vorcho isch, we d'Nachtbuebe zum Abschluss vom Chiltgang no nes Verlange nachere Striglete gha u d'Dorf-bursche mit eme «Güüggereggü» vüre glöökt hei.

Di alte Zyte vergah u mit ihne alti Sitte u Brülich, u für viel isch's, wi gseit, nit schad derfür. Am meischte hei aber doch d'Bümplizer sälber derzue bytreit, dass di alti Hänselei i Abgang isch cho. Synerzyt, wo si es grössers Schützefeschet gfyret hei, isch uf der Feschtcharte e prächtige Güüggü abbildet gsi, wo sys Güüggereggü häll i d'Wält uuse kräiht het, u hie u da gseht me bi usswärtige Feschtlene hüt no näbem Feschtbändeli zweu gchrüüti Löffeli uf em Bruschtlatz vo luschtige Meitscheni u Bursche, zum Zeiche, si chömi de vo Bümpliz, u für z'frohlocke: Jä, gäuwit, we dier o so ne Löffuschlyffi hättit, wie mier eini hei!

Wär möcht da no länger stichle u hänsle, we me doch gseht, si mache sich nüüt druus, u ergere cha me se o nit dermit!

Hansueli Baer.